

八德須知初集

利

以行自立通人題

利



八德須知初集卷五

二十四禮節錄

湖州蔡振紳六龍編輯
紹興陳燮樞贊欽校正

禮

釋躁平矜不失儀

周旋中禮就班宜

謙能受益非虛語

人望莊嚴亦在茲

義

通權達變義參天

時措而宜豈偶然

自古大人憑所在

當機立斷乃安全

伯禽趨跪

康叔周公弟後封於衛。

筓音凝。捶擊也。

橋木名。俗作禽。

趨疾行也。

嘉善也。

吐哺言吐出食物也。

於見賢也。


沐濯髮也。

諳音菴。知也。熟聞也。

周伯禽隨康叔三見周公三被筓以問商子曰南山之陽有橋木南山之陰有梓木蓋往觀伯禽見橋高而仰梓卑而俯還告商子曰橋者父道梓者子道明日伯禽入門而趨登堂而跪周公嘉其得君子之教周公制禮實開禮教之源且嘗一飯三吐哺一沐三握髮以禮天下之賢士其子伯禽未諳禮節宜其三見而三筓之也商子以橋梓明父子之道俾盡乎禮誠不愧為君子矣

名
王

周魯伯禽
觀於橋梓
入門而趨
登堂而跪



孤公侯之謙稱。

辱謙不敢當之詞。

勃，猝也。

沸騰如水之受熱而涌沸也。御說桓公名履踐也。

宋桓罪己

周宋大水。魯莊公使弔焉。桓公承父命對曰：孤實不敬。天降之災，又以為君憂。拜命之辱，臧文仲曰：宋其興乎。禹湯罪己，其興也勃焉。桀紂罪人，其亡也忽焉。且列國有凶，稱孤禮也。言懼而名禮，其庶乎。罪歸諸己，則和氣致祥，人心歡洽，罪歸諸人，則戾氣相感，民怨沸騰。公子御說以天災引咎自責，臧孫達謂其是宜為君有恤民之心，厥後果稱賢君。可見人君之宜履禮愛人也。

宋桓未立
深明大體
過水恤民
言懼名禮



鉏麇觸槐

鉏麇音除
倪。不君。失君
道也。
數諫詳前。
賊殺害也。
假寐不脫
衣冠而寢
也。
觸槐擊也。

醫桑餓夫
靈輒受宣
子饋食之
意。

周晉鉏麇勇而知禮。靈公不君。趙宣子數諫。公患之。使鉏麇賊之。晨往寢門闢矣。盛服將朝。尚早坐而假寐。麇退而嘆曰。不忘恭敬。民之主也。賊民之主。不忠。棄君之命。不信。遂觸槐而死。

鉏麇一力士耳。其於趙盾無恩怨之可言。非若靈輒之醫桑受惠也。況將君命以往乎。乃見盾之不忘恭敬。遂不忍賊民之主。觸槐以死。其重禮為何如乎。而盾之獲免。全在禮人。可不知禮乎。

鉏麈刺看
奉命而來
不賊恭敬
竟自觸槐



攝兼也。代也。定公十四年。孔子以大司寇攝行相事。燕居閒暇無事之時。申申夭夭。和舒之貌。朱註云。申申。其容舒也。夭夭。其色愉也。如者。容色如此也。屬嚴肅也。老聃謂老子。太廟。魯周公之廟。

孔子盡禮

周魯孔子名丘字仲尼仕於魯攝行相事事君盡禮門人記其燕居申申如也夭夭如也溫而厲威而不猛恭而安嘗與南宮敬叔適周問禮於老聃入太廟每事問或曰孰謂邠人之子知禮乎子曰是禮也孔子為三代完人所盡不僅禮也惟禮教以周孔為尊周公制禮孔子定禮而禮教得以大明以天縱之聖猶問禮於老聃且入太廟每事必問子貢欲去告朔餼羊猶曰我愛其禮故為萬世之師也

郚音郚亦
 作郚在今
 山東曲阜
 縣境孔子
 父叔梁紇
 嘗為郚邑
 大夫故或
 人稱為郚
 人之子
 天縱言天
 所縱不為
 限量也
 禮人君月
 朔告廟用
 羊以祭饌
 音秋生牲
 也

至聖孔子
 老聃是師
 事君盡禮
 溫恭威儀



石奮恭謹

大中大夫
當時之官

二千石漢

時內自九

卿郎將外

至郡守尉

皆秩二千

石

路馬君之

馬也

式車前橫

木古男子

立而來車

有所敬則

俯而憑之

所以表示

敬禮也

肉袒去上
衣露肢體

漢大中大夫石奮無文字極恭謹四子皆以謹官至
二千石因號萬石君歸老於家過宮門必下車趨見
路馬必式子孫為吏來謁必朝服見之不名子孫有
過為便坐對案不食諸子相責肉袒謝罪改之乃許
許止淨謂石家父子以敬謹持躬故事君則忠事
父則孝教子則慈治民則化文王以小心翼翼而
興周武侯以一生謹慎而治蜀至晉則競尚曠達
裸身相對子呼父名蔑視禮法遂召五胡之亂矣

意謂歸罪
 就刑戮所
 以表其服
 順也
 就音樂爭
 也
 保音裸赤
 體也
 五胡匈奴
 羯鮮卑
 羌五種之
 人

石奮父子
 敬謹持躬
 忠孝慈悌
 萬石家風



石奮恭謹
 五
 明善書局石印

蒲亭在河南考城縣境。
剝音票。剝輕佻也。
恣放縱也。
役使服役也。
科罰依所犯之輕重引科罰之也。
免冠免去其冠謝罪之禮也。

仇覽自整

漢仇覽一名香為蒲亭長。勸人生業農事。畢乃令子弟還就學。其剝輕游恣者。皆役以田桑。嚴設科罰。平日宴居。必以禮自整。妻子有過。輒免冠自責。妻子庭謝。候覽冠。乃敢升堂。三子皆有文史才。元最知名。石奮子孫有過。不責子孫。而以對案不食化之。仇覽妻子有過。不責妻子。而免冠自責。化之。陳元母告元不孝。覽以教化未至。親到元家。為陳人倫孝行。元卒成孝子。其禮教之化人。誠足為後世法。

仇覽宴居
以禮自整
不責妻孥
免冠內省



盧植楷模

盼音舉去聲。顧也。視也。

唯唯恭應之詞。言不敢可否也。

抗論不回。直言不屈也。

儒宗。儒者之宗師也。

見史記。楷模。式也。

法也。

植幹。築墻所立之兩木。故以喻。

漢盧植字子幹。剛毅有大節。師馬融。融左右多列美姬。植侍講數年。未嘗一盼。融以是敬之。董卓議廢立。眾唯唯。植獨抗論不回。曹操嘗曰。植名著海內。學為儒宗。士之楷模。國之植幹。昭烈微時。嘗執經門下。禮為男女大防。人之心志最易為女子所移。故孔聖嘗以未見好德如好色勉人。馬融坐高堂。施絳帳。前授生徒。後列女樂。亦以試諸生之心耳。植侍講數年。未嘗一盼。即此守禮一端。可以風世矣。

人才。
執經從師
受業也。
絳帳赤紗
之帳。

盧植侍師
左右美姬
未嘗一盼
數載如斯

